

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 18/05/2025

INTERNATIONAL MUSEUM DAY

འཛམ་གླིང་ ཡོངས་ ན་ ད་རིང་ རྒྱལ་ཡོངས་ ཟུན་གཟེར་ ཏུས་བསྟོན་ སྤང་བོ་ མིན། ཏུས་བསྟོན་ འདི་ ནེ་ ལོ་ལྷར་ རྟོར་གཞུང་ རྫོང་ལེན་ རིག་གཞུང་ ག་གཞི་ རྟོར་རམ་ དང་ ཞེ་བདེ་ ལོ་ གལ་ཆེན་ ཕྱིན་མཁན་ བརྒྱུད་ལམ་ གལ་ཆེན་ གི་ ཐོག་ལས་ ཟུན་གཟེར་ཁང་ འདི་ཚུའི་ འགན་ ལོ་ ཟན་རྒྱུར་ གནང་ཤང་ དོན་ སྤང་དོ་ མིན། ལོ་ འདིར་ ཏུས་བསྟོན་ འདིའི་ འགོ་རྫོང་ ནེ་ འབྱུར་བ་ མ་ལག་ ཐོན་བཞིན་ ཡོད་པའི་ དེང་ཏུས་ ན་ ཟུན་གཟེར་ ཁང་ གི་ ཐོན་བཞིན་ ཡོད་པའི་ དེང་ཏུས་ ན་ ཟུན་གཟེར་ ཁང་ གི་ མ་འོངས་པའི་ རྒྱ་གར་ གནང་ཤང་ རིག་པ་ ཞིབ་དཔྱད་ གི་ ད་རིང་ རྒྱལ་ཁབ་ གི་ ཐམས་ཅད་ ASI ཟུན་གཟེར་ ཁང་ ན་ མི་མང་ དོན་ དདུལ་མེད་ འཇུལ་རྒྱུ་ཤང་ གི་ བྱལ་སྤྱོད་ གནང་བོ་ མིན། ཐབས་ འདི་ གི་ ཟུན་གཟེར་ ཁང་ རྩ་ཆེན་ འདི་ཚུའི་ བྱལ་སྤྱོད་ གནང་ཤང་ གོ་སྐབས་ ལུལ་དོ་ མིན། ག་ འདི་ ཐོག་ལས་ གནང་ཤང་ གོ་སྐབས་ ལུལ་དོ་ མིན། ག་ འདི་ ཐོག་ལས་ རྒྱ་གར་ གི་ རིག་གཞུང་ ག་གཞི་ དང་ རྒྱལ་རབས་ ཅན་ ག་གཞི་ རྟོར་ ཟུན་གསན་ ལན་བའི་ དོན་ གལ་ཆེན་ ཡོད།

SDM OFFICE – KABI

ཀ་ཏྲེ་ རྫོང་ལག་ ལས་ཁུངས་ གནས་སྐབས་ དོན་ ཀ་ཏྲེ་ ཤོག་ཁག་ ཡར་རྒྱས་ ལས་ཁུངས་ མཐའ་ཉིད་ གསར་བཞེངས་ གནང་བཞིན་ ཡོད་པའི་ Panchayat Bhawan ན་ རྫོ་ཤུ་ གནང་ ཡོད། ཀ་ཏྲེ་ རྫོང་ལག་ འགོ་བརྗོད་ Monica Rai གི་ མདོང་ གསར་ཤོག་ བྱལ་སྤྱོད་ གནང་བཞིན་ གསུང་ཡོད་ རྫོང་ཁ་ ལས་ཁུངས་ ན་ ས་རུད་ གི་ རྫོན་ རྒྱལ་ ཡོད་ ས་ལས་ ཐག་བཅད་ འདེམ་ ལན་བོ་ མིན། གསར་ཤོག་ བྱལ་སྤྱོད་ འདི་ ཐོག་ལས་ མི་མང་ ལུ་ ལོ་ ཐོ་རང་ ཆོས་ ༡༩ ལས་ ཀ་ཏྲེ་ རྫོང་ལག་ ལས་ཁུངས་ Panchayat Bhawan ན་ ལག་ལེན་ ཐོན་ཤང་ གི་ ཟུན་གསན་ ཡང་ བྱིན་ ཡོད།

CLEANLINESS DRIVE

འབྲས་རྫོངས་ མངའ་སྡེ་ ཐོན་ རྫོ་ ལོ་ རྩ་བཅུ་ བསྐྱབས་པའི་ གོ་སྐབས་ ན་ ལས་རིམ་ རྫོམ་པོ་ ཅིག་ གི་ ཐོག་ལས་ ད་རིང་ ༣་ཐང་ ན་ རྒྱལ་རབས་ ཅན་ གཙང་མའི་ ལས་རིམ་ འགོ་བཙུག་ ཀོ་ མིན། ལས་རིམ་ འདིའི་ མངའ་འོག་ རྫེ་ཆེན་ འདྲ་མན་འདྲ་ གི་ མི་མང་ ལུ་ གཅིག་མཐུན་ དང་ མཐའ་འཁོར་ འགན་གི་ ཟུན་འབྲལ་ དོན་ མཉམ་པོ་ རྫོན་ལོ་ བྱོན་ཡོད། རྫམ་རྩེ་ གི་ རྫོང་དཔོན་ ལྷམ་ Anupa Tamling གི་ ཟུན་གཟེར་ ན་ ཐོན་བའི་ ལས་རིམ་ ན་ ཟུ་བྱལ་ གི་ རྫོང་ལག་ རྫོང་དཔོན་ ཉིན་ ལུན་རྫོང་ རྫོ་ཁྲི་ཡ་ མཉམ་པོ་ གཞན་ ལུ་ བཞུག་ ཡོད་མཁན་ སྤྱད་ རྫོང་ལག་ ལས་འཛིན་ དཔུས་ཁང་ གི་ འདྲ་མན་འདྲ་ NGO ལུ་ མཉམ་པོ་ མཐུན་ཉི་ འགོ་བཙུག་ ཀོའི་ གཙང་མོ་ ལས་རིམ་ གི་ གོ་སྐབས་ ན་ མི་མང་ ལུ་ ལོ་ Digital ཐོག་ལས་ རང་གི་ རྒྱལ་རྒྱུར་ དོན་ གེམས་ཤུར་ གནང་བའི་ དོན་ མི་མང་ ང་རྒྱལ་ དང་ འགན་ལོ་ གེམས་ཤུར་ གནང་ཤང་ དོན་ གལ་ཆེན་ profile pic ལས་རིམ་ ཡང་ འགོ་བཙུག་ ཀོ་ མིན། ལས་རིམ་ འདིའི་ ཟུན་འབྲལ་ ཆེན་པོ་ ཐོག་ལས་ འོང་མཁན་ ཆོས་ ༢༤ གཟའ་སྤེན་པོ་ རྩ་ཅ་ ༩.༣༠ ལས་ ༩.༣༠ ཟང་ལྷེ་ ཏུས་རྫོང་ ༡ གི་ གཙང་མོ་ ལས་རིམ་ རྫོམ་པོ་ ཐོན་ཤང་ མིན། ལས་རིམ་ འདི་ ན་ Jorethang རྫོམ་ལས་ Melli Checkpost ཟང་ལྷེ་ km ༢༤ record ཏུས་རྫོང་ ན་ གཙང་མོ་ གནང་ཤང་ མིན།

MEDIA WORKSHOP

གསར་ཤོག་ ཟུན་གསན་ ལས་ཁུངས་ (PIB) རྒྱང་ཏོག་ གི་ ཐོ་རང་ vartalap མིང་གི་ media ཟུར་རྫོང་ འགོ་བཙུག་ ཤང་ ཐག་བཅད་ ཡོད། གསར་ཤོག་ ཞབས་ཁུ་བོ་ ལུ་ ལོ་ གཞུང་ གི་ ཐབས་ ཆེན་པོ་ དང་ འཆར་གཞི་ འདི་ཚུའི་ རྟོར་ན་ ཤེས་ཡོན་ བྱིན་ཤང་ དམིཌ་ཡུལ་ གི་ འགོ་བཙུག་ ཀོའི་ ཟུར་རྫོང་ ན་

འབྲས་ཕྱོངས་ མཉམ་པོ་ མཐུན་འབྲེལ་ ལས་ལག་ གི་ འགོ་བརྗེད་ ན་ ཆོས་སྤྱབ་ དང་ བཀའ་མོན་ ཅུ་ ཐོན་ཤང་ ཨིན་ ག་འདི་ ན་ media མཉམ་པོ་ མཐུན་འབྲེལ་ འགོ་བརྗེད་ ཡང་ ཡོད། གོ་སྐབས་ འདི་ ན་ རྒྱ་གར་ གཞུང་ གི་ ལྷན་གསན་ དང་ ཁྱབ་སྒྲིག་ རྒྱུ་ཁང་ གི་ PIB བྱང་ཤར་ རྩོད་ གྱི་ ལ་སྐོང་ དབུ་འཛིན་ སྒྲིམ་པོ་ Kripa Shankar Yadav ལས་རིམ་ ན་ བཞུར་ཤང་ ཨིན་ སེ་ གསུང་ཡོད། ཟུར་སྒྲོང་ ན་ གཞན་ མཉམ་པོ་ གཙོ་བྱི་ རྒྱུ་པོའི་ སིང་རྒྱུ་ རྩུང་ཆེན་ Bikash Basnet ལྷན་གསན་ དང་ མི་སེར་ འབྲེལ་བ་ ལས་ལག་ གི་ རྩུང་ཆེན་ Annapurna Alley དང་ དབུ་འཛིན་ Umesh Suman ཡང་ བཞུར་ཤང་ ཨིན།

SPORTS MINISTERS MEETING WITH SOA

མངའ་ཕྱེ་ གི་ ཅེད་མ་ དང་ ན་གཞན་ ལས་ལག་ གི་ རྒྱུ་ཁང་ Raju Basnett གི་ ད་རིང་ སྤང་རྟོག་ གི་ hotel གཅིག་ ན་ འབྲས་ཕྱོངས་ Olympic རྩོད་པོ་ དང་ གཞན་ ཅེད་མ་ གི་ རྩོད་པོ་ ཅུ་ མཉམ་པོ་ ཁྱོས་བསྐྱུན་ གཅིག་ བཞུར་པོ་ ཨིན། འབྲས་ཕྱོངས་ Olympic རྩོད་པོ་ དང་ ཅེད་མ་ དང་ ན་གཞན་ ལས་གཞི་ ལས་གཤམ་ མཐུན་ཕྱི་ འགོ་བརྗེད་ ཀོའི་ ཁྱོས་བསྐྱུན་ ན་ ཞལ་ཁུ་ བཞིན་ རྒྱུ་ཁང་ Basnett རྒྱལ་ཁབ་ ཅེད་མ་ མངའ་འོག་ དུ་ཅི་ ཐོན་བའི་ Khelo India Youth Games ན་ གསེར་གི་ རྟུ་མ་ རྒྱལ་མཐན་ Rewas Rai ལོ་ བཀྲིས་ བདེ་ལེར་ བྱིན་ ཡོད། གོ་སྐབས་ འདི་ ན་ རྒྱུ་པོ་ གི་ རྩལ་ལས་ རྒྱལ་ཁབ་ ཅེད་མ་ ན་ སྤྱན་འབུལ་ ལེད་མ་ གནང་མཐན་ མངའ་ཕྱེ་ གི་ players ཅུའི་ སེམས་ཤུར་ ཐོག་ལས་ རྩལ་དབུལ་ ལུལ་བོ་ ཨིན། གོ་སྐབས་ འདི་ ན་ རྩོད་པོ་ གི་ ལོ་ལྟར་ ལོ་རེམ་ report མཉམ་པོའི་ magazine ཁྱབ་སྒྲིག་ གནང་བོ་ ཨིན།

SIKKIM MOUNTAINEER

འབྲས་ཕྱོངས་ གྱི་ གངས་རི་ འཛོག་མཐན་ མི་ལ་ ༢ པོ་ གི་ སྒྲོང་ཕྱག་ རྩལ་ དང་ བཅུ་ meter ཐོག་ཚད་ གི་ ཏིན་ཆེན་ གངས་རི་ གི་ ཡར་སྒྲོང་ ལེགས་ བྱས་ གནང་ ཡོད། རུབ་ འབྲས་ཕྱོངས་ ན་ ཆགས་ ཡོད་པའི་ གངས་རི་ འདི་ ན་ འཛོཾ་མཐན་ མངའ་ཕྱེ་ གི་ གངས་རི་ འཛོག་མཐན་ ཅུ་ ནབ་ཤ་ འབྲས་ཕྱོངས་ གྱི་ གངས་རི་ འཛོག་མཐན་ མི་ལ་ ༢ Aaron Sherpa དང་ བསྐྱུན་འཛིན་ རྩོ་རྟེ་ཡ་ ཅུ་ ཡོད་པོ་ ཨིན། རྒྱ་གར་ ལས་རིམ་ གི་ རྩོད་མི་ བརྒྱུད་ ཡོད་པོ་ རྩོད་པོའི་ རྩོད་མི་ ཐོག་ལས་ ཡོད་པའི་ ཁོང་ ཅུ་ གི་ May ཟླ་བོ་ ཆོས་ ༡༥ གི་ ཉེན་ཆེ་ སྤ་བ་ གངས་རི་ འདི་ ན་ འཛོཾ་གོ་ ཨིན། ལས་རིམ་ འདི་ འབྲས་ཕྱོངས་ གཞུང་ གི་ འབྲུལ་སྐོར་ བརྟ་རྟོག་ དང་ མཐའ་ལམ་ སྒྲེལ་ལེན་ ལས་ལག་ གི་ སྤྱན་གཟིར་ ན་ ཐོན་པོ་ ཨིན།

SAFF UNDER – 19 FOOTBALL

Arunachal Pradesh གི་ རྩ་བི་ཡ་ ན་ ཐོན་བཞིན་ ཡོད་པའི་ SAFF under 19 རྒྱང་ཅེ་པོ་ལོ་ འབྲན་བསྐྱར་ གི་ final ཅེད་མ་ ད་རིང་ བྱི་བ་ དུས་རྒྱུད་ བདུན་ལས་ འགོ་བརྗེད་ ཤང་ ཨིན། འདི་ ནི་ རྒྱ་གར་ དང་ Bangladesh བར་ ཅེད་ཤང་ ཨིན། རྒྱ་གར་ གི་ Semi final ཅེད་མ་ ན་ Maldives ལོ་ goal ༣ རྒྱབས་སྟེ་ རྒྱལ་ཁ་ ཐོབ་པོ་ ཨིན། རྒྱ་ ན་ Bangladesh གི་ བལ་ཡུལ་ ལོ་ goal ༢-༡ གི་ རྒྱལ་བོ་ ཨིན།

WEATHER

མངའ་ཕྱེ་ གནམ་ལ་ རིགས་གསར་ ལས་ལག་ གི་ བྱིན་པོ་ Report ནང་བཞིན་ སོང་མཐན་ ལྷ་ཚོད་ ༢༩ ནང་ཤ་ སྤང་རྟོག་ དང་ སྤང་རྟོག་ མཐའ་ཉིད་ ས་ཆ་ འདི་ཅུན་ ཆ་ཚད་ མང་དུགས་ ༢༢.༥°C དང་ ཆ་ཚད་ རྒྱང་དུགས་ ༥°C record གནང་ཡོད། ལས་ལག་གི་ ཐོ་རངས་ ཆ་ཚད་ མང་དུགས་ ༢༡°C དང་ ཆ་ཚད་ རྒྱང་དུགས་ ༡༥°C ཐོན་ཤང་གི་ ལུང་གནང་ ཡོད།